

IMAQARNILIAQ US - Utoqqaat siunnersuisoqatigiiffiat

06-12-2022

Ulloq ataatsimiiffissaq Tirsdag 06. december 2022 kl. 16:30

Ataatsimiiffissaq Kommunip allaffiani byrådsal-imi

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ataatsimeeqatigiinneranniit imaqarniliaq

*Marlunngorneq ulloq 06 decembari 2022, nal 12:30
Sumi: Kommunip allaffiani byrådsal-imi*

Ataatsimiinnermi peqataasut:

Utoqqaat pillugit siunnersuisooqatigiinniit

Marianne Jensen (Siulittaasoq)
Mina Lorenzen (Siulittaasup tullia)
Daniel Blytmann (Ilaasortaq)
Jakob Thorsen (Ilaasortaq)
Kirsten Holm (Ilaasortaq)

Peqataasinnaangitsut:
Dorthea Josefsen (Sinniisoq)

Suliffeqarnermut Isumaginninnermullu ataatsimiititamiit

Lone Rosengreen Pedersen (Siulittaasup tullia)
Poul Petersen (Ilaasortaq)
Mala Høy-Kúko (Ilaasortaq)
Julia Lynge Ezekiasen (Allatsi)

Peqataasinnaangitsut:
Inge Olsvig (Siulittaasoq)
Harald Bianco (Ilaasortaq)

Suliffeqarnermut Isumaginninnermullu Ingerlatsivimmiit

Ejner Grønvold (Pisortaq)
Arnanguaq Heilmann Christensen (Utoqqarnut sullissivimmi fagchefti)
Naja Anelouise Heilmann (Sekretær)

Imaqarniliaq:

1. Tikilluaqqusineq.

Kommuneqarfik Sermersuumi Utoqqaat pillugit Siunnersuisooqatigiit taavalu Suliffeqarnermut Isumaginninnermullu Ataatsimiititami ilaasortat ukiumoortumik naapeqatigiinneranni Suliffeqarnermut Isumaginninnermullu Ingerlatsivimmi pisortaq naatsumik tamanut tikilluaqqusivoq. Suliffeqarnermut Isumaginninnermullu Ingerlatsivimmi pisortaq ullormut oqaluuserisassamik saqqummiussivoq.

2. Ilisaritseqatigiinneq

Naapeqatigiinnermi peqataasut tamarmik ataasiakkaarlutik imminnut ilisaritipput.

3. Utoqqaat Siunnersuisooqatigiiffiata atuuffia aamma suliassai, Arnannguaq Heilmann Christensen Suliffeqarnermut Isumaginninnermullu Ingerlatsivimmiit

Utoqqarnut sullissivimmi fagcheffi, Utoqqaat Siunnersuisooqatigiit ileqqoreqqusaani allaqqasut malillugit Utoqqaat siunnersuisooqatigiit atuuffii suliassaalu saqqummiuppai oqaaseqarfigilaartarlugillu.

4. Siunnersuisooqatigiit pingaarnertut anguniagaat pillugit saqqummiineq oqallinnertalik, takuuk ilanngussaq - Marianne Jensen, siulittaasoq

Utoqqaat pillugit Siunnersuisooqatigiit siulittaasuata aallarniutigalugu oqaatigaa siunnersuisooqatigiit sinnerlugit qujalluni naapeqatigiinneq piviusunngormat. Utoqqaat pillugit Siunnersuisooqatigiit siulittaasuata Utoqqaat pillugit Siunnersuisooqatigiit pingaarnertut anguniagaannik siunnersuutitut ataatsimiititamut saqqummiipput, ilaatigullu ilaasortat assersuutininik nassuiaateqarput.

Utoqqaat pillugit Siunnersuisooqatigiit pingaarnertut anguniagaat ilanngussami tamakkiisumik atuarneqarsinnaapput.

1. Eqaannerusumik ataqatigiissaagaanerusumillu utoqqarnuinaq saaffiginnittarfeqarnissaq. Siunnersuutitut siullertut saqqummiunneqarpoq, tassaavoq eqaannerusumik ataqatigiissaagaanerusumillu utoqqaat matumik ataatsimik saaffiginniffiusinnaasumik saaffiginnittarfeqalernissaat. Kommunimut saaffiginninneq oqarasuaatikkut allakkatigullu utoqqarnut pisariinnerulerniassammat.

2. Kommuneqarfik Sermersuumi utoqqaat atugarisaat pillugit misissuititsinissaq Kissaatit aappaatut Kommuneqarfik Sermersuumi utoqqaat inuuneranni atugassarititaasut sukumiisumik misissuiffiqineqarnissaannik kissaat. Taamaalilluni Kommuneqarfik Sermersooq utoqqarnik sullissinerup iluani misissuinermi, ilisimatusarnikkut paasisanik tungaveqarlutik toqqammaveqarlutik politik-kissartik aqqissuussinnaaniassammasuk.

Utoqqaat pillugit Siunnersuisooqatigiit piumasaqaatigaat misissuinerup qanorpiaq ilusilersornissaanut akuutinneqarnissartik.

3. Utoqqarnut naleqquttunik inissialiorneq

Siunnersuutitut pingajuattut saqqummiunneqarpoq utoqqaat illuannut tapertatut utoqqarnut naleqqussakkanik najugaqatigiiffinnik pilersitsisoqassasoq.

Utoqqarnut najugaqatigiiffinnik pilersitsinerup kingunerissammagu utoqqaat toqqissisimanerusut, nuannaarnerusut, kiserliunnginnerusut, qanigisaasunullu isumaalunnannginnerusut – naatsumik oqaatigalugu utoqqaat naleqarnerusumik ataqqinarnerusumillu inuuneqalerniassammata.

Pilersaarutaalissappat sanaartortitsinissaq Utoqqaat pillugit Siunnersuisooqatigiit piumasaqaatigivaat pilersaarusionermermi akuutinneqarnissartik.

5. Inerniliussat

Suliffeqarnermut Isumaginninnermullu Ataatsimiititami siulittaasup tullia Utoqqaat pillugit Siunnersuisooqatigiit pingaarnertut anguniagaattut siunnersuutai akissuteqaateqarfigivai.

Utoqqaat pillugit Siunnersuisooqatigiit pingaarnertut anguniagai pillugit akissuteqaatit:

1. Eqaannerusumik ataqatigiissaagaanerusumillu utoqqarnuinaq saaffiginnittarfeqarnissaq
Utoqqaat periarfissaqarput kommunip innuttaasunik kiffartuussivianut saaffiginninnikkut qinnuteqarnissaminnut digitalimik allagarsianik pissarsisarneq atorunnaarsikkusullugu, taava pappilissakkut allagarsisarneq atuutsinneqalerluni.
Utoqqarnut saaffiginnissutitut tunngasut ataatsimoortikkiartornissaanut suliat suli ingerlapput. Utoqqarnut tunngasuni tulleriissaarisarnermi suliamik suliaqartarneq ataatsimut isigalugu allaffissornermi immikkoortortami ataatsimoortitaareernikuuvoq. Taamaallaalli inuunermermi ataasiaannarluni pisartumik utoqqalinersiaqalernissamut qinnuteqaatitut aamma utoqqalinersisitsisarnermut tunngasut immikkoortoq immikkoorluni. Angerlarsimaffimmi ikiorteqarneq aamma peqqissaasut angerlarsimaffimmut orniguttartut kommunimi peqqissaavimmilu ataqatigiissaagassat qulakkeerneqarnissaat pillugu ataatsimoorput.
2. Kommuneqarfik Sermersuumi utoqqaat atugarisaat pillugit misissuititsinissaq
Ingerlatsivik misissuineranut annikinnerusunut atugassanik aningasassaqarpoq. Isumaginninnermut Suliffeqarnermullu Ataatsimiititap ataatsimiinnerminni oqaluuserissavaat, qanoq iliorluni misissuinermik suliaqartoqarsinnaanersoq. Politikikkut soqutigineqassappat ingerlatsivimmiit ammaffigineqarpoq, taakkununga tunngasunik misissuisooqarnissaanik siunertaqartumik ilusiliinissarlu pillugu oqaloqatiginninnermik suleriaqqinnissaq.
3. Utoqqarnut naleqqussakkanik najugaqatigiiffinnik pilersitsisoqassaaq
Utoqqaat pillugit Siunnersuisooqatigiit utoqqarnut najugaqatigiiffinnik naleqquttunik sanaartortoqarnissaanut siunnersuutaat ilassilluarneqarpoq. Siunnersuut ataatsimiititami siusinnerusukkut oqaluuserineqareerpoq, kisianni Isumaginninnermi Suliffeqarnermullu Ataatsimiititami qaqqinneqaaqqissaq.

Ataatsimiititaliami ilaasortaq Poul Petersen naggasiilluni oqaaseqarpoq qujalluni Utoqqaat pillugit Siunnersuisooqatigiit siunnersuutaannut, suleqataarusunnerminillu takutitsinerannut. Tassanga malugeqquneqarpoq siunnersuisooqatigiit siunertaasa ilagimmassuk, siunnersuisooqatigiit Isumaginninnermut Suliffeqarnermullu Ataatsimiititamut siunnersuutitik saqqummiussisassasoq aamma siunnersuisooqatigiit malittarisassaat naapertorlugit tusarniaanerni akissutitik akissuteqarluni il il.

Isumaginninnermut Suliffeqarnermullu Ataatsimiititami siulittaasup tullia Utoqqaat pillugit Siunnersuisooqatigiit apeqquteqaatigisaat akissuteqaateqarfigivai.

Utoqqaat pillugit Siunnersuisoqatigiit apeqquteqaataannut akissutit:

1. Siunnersuisoqatigiinni ilaasortaanermi tapit

Utoqqaat pillugit Siunnersuisoqatigiit ilaasortaanermi tapeqannginnerat pillugu apeqquteqaataat imatut akissuteqarfigineqarpoq:

Inatsisitigut pisussaaffiunngikkaluartumik Utoqqaat pillugit siunnersuisooqatigeeqarneq *siunnersuisartussatut* atuuffiuvoq, innersuussutilliorsinnaatitaanngitsoq. Utoqqaat pillugit siunnersuisooqatigiinnut atugassarititaasut maleruagassani aalajangersarneqarsimapput aamma siunnersuisooqatigiinnik 2012-imi pilersitsisoqarmalli aalajangersagaasut, taakkununga ilaallutik ilaasortaneq akissarsiaqaataaneq ajortoq. Nalinginnaasumik ataatsimiinnermi, allatseqartitsinermilu aningaasartuutit ingerlatsivimmit akilerneqartarput, soorlu aamma Nuummi innuttaasunik ataatsimiititsinerit ataasiakkaanik ingerlatsisoqartarsimasoq. Ilaasortat Paamiuni najugaqartut ukiumut ataasiarlutik ataatsimiinnermi qanimut peqataatinneqarnissaannut atatillugu aningaasartuutininik matussusiisuuniaq ingerlatsivimmit akuerineqarnikuuvoq.

2. Utoqqaat namminneq angerlarsimaffimminni najugallit siumut

naatsorsuutigineqarsinnaanngitsunik akiligassaqaaleraanni tapiiffigineqarnissaannut periarfissat

Utoqqaat illuutillit illut aningaasaliiffigineqarnerannut inatsit naapertorlugu inigisamik iluarsartuunnissaanut nutarternissaannullu immikkut tapiissutinik qinnuteqarsinnaapput. Ukioq manna aningaasaateqarfimmut aningaasaliisoqarsimannigilaq, kisianni 2023-mut missingersuummi inigisat aningaasalersorneqarnerannut taarsigassarsisitsisarfimmi matussutissat kr-it 2 mio illuartinneqarput, taakkununga ilanngullugit utoqqalinersialinnut taarsigassarsisitsinerit. Aamma tikkuarneqarpoq, inatsisini piumasaqaatinik arlalinnik aalajangersaasoqarsimasoq, taakkua naammassineqarsinnaassapput taarsigassarsianik tunineqarsinnaajumalluni.

4. Taasariaqartut allat

Utoqqaat pillugit Siunnersuisoqatigiit aamma Isumaginninnermut Suliffeqarnermullu Ataatsimiititap tulliani ataatsimiinnissaa ima pilersaarusionerqassasoq, ataatsimiititami ilaasortat sapinngisamik amerlanerpaat, ataatsimiinnermi najuullutik peqataasinnaaqqullugit.

Isumaginninnermut Suliffeqarnermullu Ataatsimiititap ataatsimiinneq naggaserlugu Utoqqaat pillugit Siunnersuisoqatigiit suliaat, soqutiginninnerallu qujassuteqarfigineqarput taamatullu juullimi pilluaqquneqarlutik.

